


JESOSI DI HEEPIMA

J
E
S
O
S
I
D
I
H
E
E
P
I
M
A



JESOSI DI HEEPIMA



Illustraties en tekst: Willem de Vink

Copyright © 1993 Stichting Wereldtaal, Houten, Nederland

Oorspronkelijke uitgave in het Nederlands, met als titel 'Jezus Messias'

Vertaling door Jajo. Asodanoe in Saramaccaans © 2008 SURINAAMSE BIJBEL GENOOTSCHAP

Digital copyright under the terms of the Creative Commons BY-SA licence.

All rights of translation, reproduction and adaptation reserved for all countries.

ISBN 978-90-73150-19-5

Worldwide co-edition organised and produced by:

Wycliffe Netherlands

Postbus 150


3970 AD Driebergen

The Netherlands

+31(343)517444

www.wycliffe.nl


e-mail : jm_picturebook_coordinator@wycliffe.org



Andi sòmèni hia sèmbè ko suku a lio aki?



Un dè kabakaba seekaseek! Biga di Njunjun Tii u Masa Gadu dè zuntu, u ko e!



I musu bia
i libi e!



Di matjau u Masa Gadu dè leti
a di lutu u di pau kaa.....




Nöö hiniwan pau di an ta pau
bumbuu njanjan, de o faa ën
koti tuwë a faja tjuma puu dë..




Wë nöö hën da hii sëmbë tuu
"fijaa" de o faa! Biga un di
fuu seei sa libi bunu?

Leti sô! Ja sa kule da di kuutu u
Masa Gadu e. Ma wan oto sëmbë
di o ko a mi baka nöö hën o
tooka i a dendu së.



Aai, piki taa ja sa du ën. Nöö
ja kë u libi fii musu tooka nö?
Nöö saka ko a wata dendu aki
bee mi dopu i wante.




Nöö a di fasi aki, i ta lei taa i
kë u libi fii musu tooka. Na so u sa
komoto a takuudu anga ogii, fu bigin
wan nyun libi.

Di sɛmbɛ di ta konda di buka a di lio dɛ, hɛn de ta kai
Johanisi di Dopuma.....

Di soni mi ta konda aki
an dɛ u mii seei.
Kwetikweti! Ma di pasi
hɛn mi ta seeka da di
sɛmbɛ di o ko u lei unu
ambɛ da Gadu. Hɛn a o
dopu unu ku di Akaa u
Gadu ku faja. Nɔɔ a o
tooka i gaanfa seei.




Nɔɔ, hɛn.....



Mɛ sa
dopu i!
Biga i musu
dopu mi.




Hɛn Jesosi piki ɛn taa
boo du ɛn nɔɔ. Biga a
bunu fuu du hii soni
dee fiti a Gadu wojo.



Taata, di kɔnu
kɔndɛ fii o ko nɔɔ
di soni di kɛ u ko
pasa nɔɔ hɛn musu
pasa e.




Nɔɔ hɛn wan tɔngɔ piki a liba taa.....



Aai!
Disi da di lobi
Womi mii u mi.
Libi fɛɛn ta kai
ku mi!

Di oto aki bi ta pasa a di 2000 jaa u di Johansi di dopuma bi ta seeka mbei di pasi da Jesosi Keesitu di Heepima di o ko. Nöo Isaël köndë bi dë wan piki pisi u di Gaangindi Loomë köndë di könu ta tii a hii goonliba.



Wë nöo di Dju fölluku a Isaëli Köndë bi kë u Masa Gadu musu manda Masa Jesosi Keesitu, di Heepima ko puu de a di sitaafu ku di pena de ta pena de dë. Biga sö Masa Gadu bi taki da dee fesiten tjabukama u de sikifi, taa Jesosi Keesitu o ko puu de a fuka.

Nöo a di Joodan lio dë, nën Johansi di dopuma lei Masa Jesosi finga taa.....



Luku di sikafu mii u Masa Gadu di o puu taku libi ku hogi libi a goonliba.

Wë nöo, baka u di Masa Jesosi dopu, nöo hën di Akaa u Masa Gadu tjëen go a wan a gaan sabana dendu.



Nöo a tei föteni daka ku foteni ndeti longi ta begi söndö njan. Biga a di fasi aki, a sa feni möön köni faa du di wooko fëen di a ko u du a goonliba aki.



Wë u feni di wini dë, nöo Masa Jesosi musu lei goonliba, di pakisei u Masa Gadu di abi, u puu libisëmbë a di makiti u dëdë basu.



Aai! Taata, mi sa du andi i kë u mi du.

Nöo naandë wante di feti u Masa Gadu ku di didibi bigi, di makiti u dunguu, di ja si ku wojo. Di gaan felantima u Masa Gadu, di kë tii di goonliba u tja dëdë ku kaba a söso ko da libisëmbë.



Wë nöö, di didibi, di gaan felantima u Masa Jesosi ko nëen ka a dë ala ko ganjëen faa disa di wooko u Masa Gaangadu di a ko u ko du a goonliba aki.

Wë di i dë Mii u Gadu tuu nöö i fan ku dee sitonu aki be de bia soni u njan da i.

Kwetikweti! "Ja jei fa a sikifi a Gadu Buku nöö? A taa na njan wanwan nöö ta hoi sëmbë a libi e, ma hiniwan wöutu u Gadu di a taki kaa, nöö a de libi ta kumutu."

Wë nöö di i da Gadu mi, nöö vinde i seei tuwë go a goon. Biga a sikifi a di Buku Gadu taa Gadu o manda dee basia fëen u de ko heepi i. De o tja i a maun u ja musu naki futu a sitonu!

Ja si ö? Hii dee soni aki tuu mi o da i fii seei e, ee i tjökö kini a goon a fesi aki begi mi.


Nöö fa Masa Jesosi fan ku di didibi te a kaba dë, hën a disëen go, nöö hën dee basia u Masa Gadu Köndë ko nëen ko sölugu ën.

Kwetikweti! Ma di Buku taki tu taa "Ja musu pooba Masa Gadu e. Biga hën da i Gadu!"



"Hetji pasa kumutu a mi fesi aki, ju didibi, saatan! Biga di Buku u Gadu taki taa ja musu begi na wan oto soni a mundu möön leiki Gadu i Masa. Hën wanwan tö nöö i musu ta dini."



Nöö hën Masa Jesosi toona go a di pisiwata u Galilea a di sê u sonu kumutu u di gaan foto u Isaëli köndë. Nöö sëmbë dë hia a di köndë te na soni. Nöö naandë a bi kiija. Nöö di Akaa u Masa Gadu bi dë ku ën. Di a dë a pasi nango nöö sëmëni sëmbë ko ta waka nëen baka seei, de kë sabi ee hën da di Heepima, di Masa Gadu bi sikifi soni fëen.....

Nöö a di köndë de kai Kaana, a di pisiwata u Galilea ka sòmëni
kununu dë, nöö naandë de hoi wan tóou piizii.....




Nöö Masaa Jesosi ku hën
mama ku wan wanlô mati
fëen seei bi go a di tóou tu.





Kapenaumi dē wan nēbai foto a di sē u di piki ze u Galilea. Nōō aki Masa Jesosi bigi u konda di Bunu Njunsu u di Njunjun Tii u Masa Gadu a lanti fesi.




Nōō aki Masa Jesosi tei dee fosu bakama fēēn u de waka nēēn baka.



Sōō, wē Simon! Puu di boto go a mindi wata! Nōō i tuwē di ndeti be i kisi fisi.



Mēsītē! Hii di ndeti u tuwē ndeti te u wei wa kisi na wan soni möönsō.



Ma tōku, di i taki sō nōō woo tuwē luku.



Eee! Di soni aki ma sa biibi ēn. A bigi.






Johanisi!
Jakobosi! Un ko
Heepi mi, baa!
Wa kisi sô hia
fisi wan daka!




Masa! Kumutu a mi fesi aki! Biga
ma dē bumbuu sēmbē!


Na fēēē e! Mi o mbei i toon
hōndima u kisi libisēmbē!



“Un ko go ku mi e, be mi lei unu fa
fuun kisi libisēmbē tja ko da
Gadu.”



Un waka a
mi baka e!




Wë nõõ di fesiten tjabukama u Gadu de kai Johanisi di dopuma taki taa a bi sikifi a fesi a di Buku u Masa Gadu taa Masa Jesosi hën o tja di heepi ko. Nõõ sõ a dë tuu, biga Masa Jesosi ku dee bakama fëen bi ta waka makandi ta lontu a di pisiwata u Galilea. Nõõ a ta taki soni u di Njunjun Tii u Gadu di o ko. Nõõ a ta kula hii pei siki, sõseei a ta jaka taku soni puu a sëmbë liba. Nõõ di soni aki ta foondo sômëni sëmbë te de bia ko ta waka nëen baka. Nõõ sëmbë kumutu a oto pisiwata ku di mõn gaan foto a Isaëli kõndë de kai Jelusalën ko. Nõõ hii sëmbë bi ta taki soni fëen.



Masa Gadu ta wai ku dee penama, biga de o dë a di NjunjunTii fëen dendu.


Gadu dë ku dee sëmbë ta libi bunu nëen fesi. Nõõ Masa Gadu o heepi de u de feni ën kumafa a dë fanõudu.




Gadu dë ku dee sëmbë dee ta këe fa u dë aki. Biga a bakaten, di këe u de o bia ko toon lafu.




Un dë bunu e dee sëmbë, ee sëmbë ta kosi unu, ta toobi unu, ta mindi hii sootu pei hogi ta buta a unu hedi, fu di un ta waka a mi baka! Nõõ un musu ta piizii seei, biga a Masa Gadu kõndë ala woon feni wan gaan paima.




Wê nõõ mi taki e, i musu libi ku sêmbê leti kumafa i seei kê u de musu libi ku i tu.



I musu lobi dee felantima fii. Nõõ begi da dee sêmbê dee ta suku u du hogi ku i.



I musu du bunu sôndô sêmbê sabi. Ma na mbei sêmbê si taa i du sô wan soni e.




Ee wan womi si wan mujêê, nõõ hên i luku ên kuma i kêên nõõ hên da i hati i waka ku ên kaa.



Di lampu fu wan libisêmbê sinkii hên da hên wojo. Nõõ ee i wojo limbo nõõ hên da hii sinkii limbo tu. Ma nõõ ee wojo fii an limbo nõõ hên da i ta libi a dungu.



Nõõ na wan sêmbê sa dini tu gadu makandi e! Ee na Masa Gadu nõõ mõni!



Wan musu ta bookohedi da di daka fu amanan e. Ma i musu ta biinga fii dê a di Njunjun Tii u Masa Gadu dendu. Nõõ Masa Gadu o sôluğu u dee oto soni dee dê fanõudu.



Di sêmbê di tei di soni mi taki aki, dê kuma wan sêmbê di seti di wosu fêên ku wan goonsei taangataंगा gingin ku sitonu. Ma di sêmbê di an tei di soni mi taki aki, dê kuma wan gaan don sêmbê di mbei di wosu fêên a sandu liba.



Wan daka hën dee sêmbê u Kapenaumi bi hai ko zunta "gidjiii" sô lontu di wosu ka Masa Jesosi dë te go piiiii.....

Nôiti woo sa waka pasa go dou ala möönsô!

Di wosu hën u musu booko a liba saka pasa go dou ku di sêmbê a di daagi.

Andi ta mbei a liba ala sô?

Un disa de, dee sêmbê aki sô ta biibi a mi liba tuutuu!

Wë i kisi paadon u dee taku libi ku dee hogi libi kaa e!


Wë ja jei nô? A möön hogi möön di soni a taki dë!

A ta mbei Masa Gadu fa!

Biga Masa Gadu wanwan nôö sa da sêmbê paadon.

Wë andi möön fukë u taki da wan lanma, Gadu dëen paadon u dee hogilibi fëen naa hopo waka go fëen!

Wë, Mi di ko dë Libisêmbê Mii aki sô abi makiti u da sêmbê paadon. Ma mi sa taki tu taa hopo tei i bedi nôö i waka go!



Eee, luku dè!


Di lanma hopo ta waka tuu!

Aai! Mi ko ta waka baka, ooo!


Wë nöö na hii sëmbë bi ta wai ku dee soni Masa Jesosi bi ta du e. Biga dee hedima u Dju keiki ta luku ee a ta booko dee weti u de sa kisi ën. A di saba daka u de Dju nöö na wan sëmbë musu wooko seei.



Luku di womi aki wan së maun fëen lan. Nöö andi fëen un pakisei baa? Fa tide da sabi daka aki, nöö sëmbë sa du bunu naa an sa?



Tëndé di maun fii di lan ko a fesi aki!




Andi! Kee, mi ko bunu, baka!



U musu kii ën puu a goonliba aki!

Un musu kaagi ën a dee hedima u keiki a Jelusalën, fu de sabi taa sö a ta bia dee sëmbë hedi ku di lei fëen.

Wan daka hën Masa Jesosi ku dee bakama fëën tei boto
go a di ze u Galilea.




Masa! Heepi oo!
Woo dëdë a wata tuu
kaba!





Andi mbei un fëëë sô?
Wan a' fitoou a mi liba
eti nô?












Di ventu!
Tan pii!



De go a wan lampeesi go tjökó boto fu de
saidê de wanwan. Ma nöö hên de haika te a
di kununu liba, ala.....


HEEEEEEEEE!









Mē sa kuutu na wan soni mi wawan. Fa mi jei a mi Tata, nōō sō mi ta kuutu soni. Biga mē ta du soni ku mi seei kē, ma ku di kē u mi Tata di manda mi ko.




Masa Jesosi bi lobi u go hēn wanwan a kamian go ta begi.




Wē baka u di a go begi a wan ndeti, nōō hēn a kai dee tuwalufu apaiti bakama fēēn ko, hēn a manda de tu ku tu, u de go a peipei kōndē go konda di Wōutu u Masa Gadu. A da de makiti u de puu taku jeje a sēmbē liba. Sōseei u de kula hii sootu pei siki tu.



Dee bakama aki bi dē tu baaa Petuisi ku Andeasi....




De tu baaa Jakobosi ku Johanisi....




Filipi ku Nataniēli....

Tomasi ku Mateosi (fosu a de bi
dē ta pii lantimōni da Loomē
Kōndē, di dē basi u Isaēli Kōndē,
a di ten dē).



Tadeosi ku di oto Jakobosi.....



Simon, wan tuutuu fetima ku
Judasi Isikaliōtu.



Un go! Nōō ee wan sēmbē hoi unu nēen
wosu nōō hēn da mi seei a hoi nēen wosu
tu. Nōō di sēmbē di hoi mi nēen wosu, hēn
da a hoi di sēmbē di manda mi ko nēen
wosu tu.




Nōō hēn dee bakama go kumafa
a bi manda de, nōō ku gaan
piizii seei de toona ko baka.
Noo hēn Masa Jesosi bi kē fēen
ku de wanwan tō go dē a wan
kamian. Ma wanlō hia sēmbē ta
waka ta ko a de baka nōōmō,
sōndō Masa Jesosi kē.

Sōmēni sēmbē dē, di abi heepi fanōudu. De
dē kuma wan goon di dē lepilepi fu koti
buta a sula. Ma wookoma an hia tjika. Wē
nōō u begi di sēmbē abi di wooko faa
manda wookoma ko, u du di wooko fēen.



Wē nōō fa Masa Jesosi toona ta konda di buka da de, sōseei a ta kula sikima, te dou sapate buka...

Filipi, unfa woo feni soni u njan da dee hia sēmbē aki baa? Wē nōō u wē musu da de soni u de njan!



200 kpēgēlē mōni nōō, u abi. Wē nōō an tjika de!

Wē luku wan womi mii aki! A abi feifi bēēē ku tu fisi. Mōōn hia an dē fuu sa da dee sēmbē aki!





Wē bee dee sēmbē sindo a hipi u feifiteni, feifitenti, feifitenti, te go dou.....



Masa Jesosi da Gadu tangi te a kaba....

Nōō baka di dē hēn a ta paati dee feifi bēēē ku de tu fisi de nango nōōmō.....





Masa Jesosi du wan gaan foondo soni. A paati feifi bēēē ku tu pikipiki fisi da dusu dusu sēmbē de njan te a fika gidjii, bēē u de fuu de an kē mōōn.




U tuu, Masa Jesosi hēn da di Apaiti sēmbē Gadu bi paamusi taa a o manda ko!.....


Wē nōō un boo butēēn ko Kōnu fuu.



Wē luku aki! Hii tuwalfu gaan manda fuufuu fika eti!



Sōō wē un manda dee sēmbē go a wosu. Nōō un tei boto aba go a oto banda. Ma nōō mi o fika aki a dee kununu mindi ta begi.



Sömëni sëmbë bi mëni taa Masa Jesosi o ko di Kõnu u de, u puu de a dee Loomë sëmbë basu. Ma nõõ sëmbë bi dë tu di an bi lobi ën, de taa an bumbuu tjika. De ta taki taa a njõnku poi. Nõõ de ta buta dee sëmbë u de musu kii ën puu a goonliba.



Masa, un juu i o ko aki?

Un ta suku mi, u di bëëë di mi bi da unu un njan nõ?



Wë wan musu suku njanjan di ta hoi i u wan pisiten nõõ e. Ma suku njanjan di sa mbei i feni di libi u teego.



Mi da di bëëë di ta da libisëmbë libi u teego. Di bëëë di mi ta taki aki, hën da di sinkii u mi di mi o da hii libisëmbë u goonliba.



Unfa di womi aki sa da u di tjukutjuku mbeti fëën sinkii fuu njan.

Wisiwasi soni a taki dë!



Hii sëmbë un go kumutu aki!

Un boo go e! Biga a mbei u ko fëëë!



Wë, unu wë? U seei kë go tu?

Masa! Na ambë u sa go mõõnsõ? Biga i abi di wõutu di ta da sëmbë teego libi.



Nöö möönmöön seei soni ta miti Jesosi. Nöö hën a kumutu a di pisiwata u Galilea dë, hën ku dee bakama fëên, womi ku mujëë. Nöö hën a go a wan oto pisiwata u Isaëli köndë go ta du di wan seei wooko.




Bakaten fëên hën a dë a pasi nango a Jelusalën.



A dë a pasi.....

Ambë dee sëmbë ta taki taa mi dë?


So sëmbë ta taki taa i dë wan apaiti tjabukama u Gadu.



Wë unu, wë?



Ambë u ta mëni taa mi dë?



I da di Keesitu e, di Könu Gadu bi paamusi taa a o manda ko. I da di mii u Masa Gaangadu, di libilibi Gadu!



Nöö na taki ën da sëmbë e! Biga mi o go a Jelusalën, nöö dee gaan womi ku dee gaan begima ku dee sabi u wëti o kisi mi da sitaafu te de o kii mi. Nöö baka dii daka fëên mi o toona weki baka a dëdë.


Wë nõõ a döösë u Jelusalën foto dee Loomë sodati lobi u sitaafu sëmbë.
Naandë de ta peka sëmbë a lakpa pau kii, nõõ a dë wan gaan taku fasi u dëdë.



Di sëmbë di kë waka a mi baka an musu ta
mëni hën seei möön e. Ma a
musu sa tja sitaafu kumafa wan sëmbë ta tja
di lakpa pau fëen u de pekëen kii.



Nõõ di sëmbë di o libi kumafa
hën seei kë nõõ a o lasi di libi u
Masa Gadu. Ma di sëmbë di o libi
kumafa Gadu kë nõõ hën o feni di
libi di Gadu taki dë.



I musu sabi taa wan kodo
Gadu tõ nõõ dë.



Di mama u di oto aki, hën da i musu lobi, Masa
Gadu ku hii i akaa, ku hii pakisei ku hii i kaakiti.
Nõõ söseei i musu lobi oto sëmbë leti kumafa i lobi
i seei.



Wē a di ten u Isaéli kōndē i bi abi wanlō pikipiki kōndē
ka dee siki tjinama wanwan ta libi. Sōmēni
sēmbē bi fēēē di siki aki. Dee sēmbē dee di siki aki kisi
an musu go mōkisi ku dee sēmbē dee de guzōntu.




Te dee kokobema ta ko a wan
kamian, nōō de musu bai taa
dee kōkōbema ta ko pasa dē.

**Kōkōbema
ta ko, oo!
Kōkōbema!**



Masa! Jesosi oo! Gaantangī abi
tjali hati fuu o! Nōō i heepi u,
baa.






Un pasa go a dee begima, be de si unu fa un ko bunu.



Andi dëën, u musu go a dee begima, u de luku ee o ko bunu nō?

Na te u ko bunu ufō woo go a de nō?



?

!




Aai, oo! U ko bunu, tuu oo!



U ko bunu, oo! U ko bunu, oo!


Un ko a di sē aki!



Ke Masa gaantangī fii e, u di bunu i du mi aki. A bigi!



Womi o, fa i ko i wanwan aki, na teni sēmbē un bi dē ko bunu nō? Un sē dee otowan fii dē? Na wan u de toona ko u ko da Gadu tangi moonsō, mōön leki i di dōösē sēmbē aki!



Wē womi, hopo go fii e. Di biibi di i abi a mi liba tja heepi ko da i kaa, boiti fa a kula ko bunu aki.

Wê dee hedima u di Dju keiki a Jelusalên bi manda dee futuboi u de, u de go tjubii luku Masa Jesosi, fa a dë a pasi nango dë. Biga de an lobi di fasi fa a ta wooko seei, kwetikweti!

Biga de taki taa a ta mökisi ku wanlô sêmbê di an bi musu mökisi ku de, kuma môtjô mujêê nasô ku sêmbê di ta pii lantimôni da di Kônu u Loomê di ta du hogihogi ku dee sêmbê u Isaéli kôndê.....

Wê nôô fu dee sêmbê dee lasi aki hedi mbei Mi di ko dë Libisêmbê Mii aki ko a goonliba u mi suku de tja ko da Masa Gadu baka.




Söseei Masa Jesosi kula wan sikima a di saba daka u dee Dju sêmbê.....

Ko bunu wantewante baka!



Söseei a abi wan apaiti ten, u wooko ku pikimii tu.....

Wan tapa dee mii e, un bee de ko a mi nôô. Biga sêmbê kuma dee mii aki, de ta dë a di Njunjun Tii u Masa Gadu dendu ta feni di bunu fêên.



Wē nōo wanlō sēmbē manda kai Masa Jesosi faa ko a wan kōndē zuntu ku Jelusalēn de kai Betania. Nōo Masa Jesosi jei taa Lazalosi siki. Lazalosi, Malita ku Malia nōo de ku Masa Jesosi dē gaan mati. Wē di Masa Jesosi dou a Betania, hēn jei taa Lazalosi dēdē te de bei fō daka langa kaa.



Wē mi sabi taa ee i bi dē aki nōo di baaa u an bi o dēdē!

Malita, i baaa o hopo baka e!




Aai, Masa sō a dē! A o hopo baka tuu te hii dee dēdē sēmbē o hopo baka a dēdē.

Mi da di sēmbē di ta weki sēmbē puu a dēdē. Nōo mi da di sēmbē di ta da libi. Ee wan sēmbē i ta biibi a mi nōo joo feni libi! Malita i ta biibi di soni dē u?


Aai, Masa! Mi ta biibi taa, i da di Keesitu, di Heepima, di Mii u Gadu di a taa a o manda ko a goonliba.

Unse un tjēen go buta?

Masa, ko luku! Nōo joo si.



Wë nõõ hiniwan daka dee hedima u Jelusalën bi ta booko hedi ku Jesosi ku dee bakama fëën.



Di womi aki sõ ta du sõmëni foondofoondo soni.

Wë nõõ ee u disa di soni aki go dou sõ, nõõ dee Loomë sëmbë o mbei gidigidi a di kõndë e!

Aai! De o booko di gaan Keiki wosu fuu, nõõ di fõluku o kaba sösö.



Un boo du soni ku fusutan e! A mõõn bëtë wan kodo sëmbë nõõ dëdë, mõõn leki hii di fõluku tuu dëdë kaba a sösö.



Nõõ fëën mbei u musu kii di Jesosi aki puu dë!




Wë nõõ fanafu di ten dë hën de hedima u keiki ta suku wan fasi u de sa feni Jesosi kisi tja go da dee Loomë sëmbë. Biga de tei Isaëli kõndë aba ta taki a de liba. Nõõ de wanwan nõõ abi makiti u da sëmbë sitaafu u te a dëdë.

Aki de bi dë a wan piizii a Betania, nõö...



Malia!



Andi! Di gaan dii sumëë suti fatu dë! Hën a tei ta tuwë ta poi kaba a sösö!




U bi sa sei di fatu aki u gaan hia möni, nõö u sölugu dee pootima ku ën!




Judasi, disa di mujëë! Biga a ta seeka mi sinkii a fesi u di bei di de o bei mi.




Wë nõõ di pasika piizii bi ko zuntu faa kai. A di ten dë sòmëni sëmbë ta booko seei "gbuluuu" te a hia ko a di foto de kai Jelusalën.



Dee Dju hedima mbei buka taa de o kisi Masa Jesosi. Ma tókuseei a go a di kòndë.






Nöö sômëni hia sëmbe bi sai dë seei ta wai ku Masa Jesosi te na soni.


Ke baaaa!

Ke baaaa!



Langa libi u di sëmbe di ta ko a di në u Masa


Di Könu u Isaëli!



Hii goonliba ta waka nëën baka.

Aanbi andi woo du, wan sa kisi ën aki!

Di gaan keiki wosu u dee Dju sēmbē dē a di gaan foto de kai Jelusalēn, nōō naandē da di mōōn gaan kamian ka de ta ko ta begi.



Hiniwanten, te di pasika piizii dē nōō dee Djusēmbē ta kii wanlō pikipiki sikapu, begi hakisi paadon.



A di gaan keiki wosu dendu de ta tjuma wan pisi u hiniwan piki sikapu di de kii da Gadu kuma paima faa da de paadon u dee hogi de bi du.




Nōō un sootu piki sikapu joo tjuma di sa puu sēmbē a dee hogi soni dee a du tuu a Gadu fesi?







A di djai dendu u di Gaan Keiki wosu de ta mbei wajawaja ta sei soni ta booko mōni.



Te u de kē mēni hēn Masa Jesosi ko doo dē wante.....








Wë nõõ tu daka bifõ di
Pasika daka dou, nõõ hën
Masa Jesosi bi dë a di Gaan
Keiki wosu u Gadu ta lei
dee sëmbë soni. Ma nõõ dee
Dju hedima ta fija ku ën
kodo, nõõ hën Masa Jesosi
manda Petusi ku Johansi
bee de go seeka di sikapu di
de o njan makandi.




A di ndeti hën Masa Jesosi ku dee tuwalufu
bakama fëen ko a di foto, u de ko njan di
Pasika pizii mankandi.




Söö! Wë nõõ di ndeti aki mi o
du di soni awaa!







Fu tuu! Mi hangi u mi njan di Pasika piizii aki ku unu! Biga abiti möön di juu o dou u mi tja pen ku gaan sitaafu!



Dee tiima u di goonliba aki ta duwengi sêmbê ta buta a de basu! Ma nõö un wan musu libi sô e.



Ma nõö ee wan sêmbê dê a unu mindi aki di kê dê fesima, nõö a musu dini dee otowan fêên e.




Wan si fa mi dê a unu mindi aki kuma wan futuboi nõ?





"Ambē, Masa! Ja sa wasi mi futu. I na saafu e? Kwetikweti!"

Petuisi!
Ee mē musu wasi i futu nōō ja o sa dē bakama u mi mōōn e!



Wē Masa di a dē sō nōō na mi futu wanwan fii wasi e, ma wasi mi futu te dou ku mi maun ku mi hedi tu!

Wē nōō womi, ee wan sēmbē i bi wasi kaa, nōō an dē fii toona wasi hii sinkii wan pasi mōōn e. Ma futu fii nōō dē u wasi ee a sundju.



Wē un haika e, fa un dē aki un ta kai mi 'Mēsītē' ku 'Masa' nōō un a' leti biga sō mi dē tuu. Nōō u di un kai mi Mēsītē ku Masa! Nōō fēēn mbei un musu libi leti sō ku unu seei tu.



Ma nōō un haika e, wan fuunu dē leti aki o tjaa mi go sei da dee felantima u mi.


A sa dē taa mi nō?

Nōō e, Masa!



Womi, di soni i si i ta pakisei fii du dē, nōō hopo go du ēn wante e.






Nöö un musu ta du di soni aki hiniwanten nöömö fuun ta mēni mi.



Un tei di di bēēē aki nöö un njan e! Biga di bēēē aki hēn da di sinkii u mi.



Un tei di win aki nöö un bebe e! Biga hēn da di buuu u mi di o kai a goon fu Masa Gadu sa mbei wan njunjun buka ku libisēmbē.



Mi o da unu wan njunjun wēti fuun hoi e, hēn da un musu lobi unu seei, leti kumafa fa mi bi lobi unu. Sö un musu lobi u seei.



Biga te un lobi unu seei sö kaa, nöö dee sēmbē o si taa unu dē bakama u mi.



Masa! Faandi mbei ma sa go ku i, ka i nango ala? Mi dē kabakaba, ee mi musu lasi mi libi seei, fii hedi!

Petuisi! Fu tuu, mi takī da i taa, bifō ganian kanda a di ndeti aki, nöö joo lēgēdē dii pasi taa ja sabi mi e!

A di gaan ndeti hën Masa Jesosi ku dee ëlufu bakama fëën kumutu a di foto go. Ma Judasi an bi dë a dendu möön,.....

Mi o go disa unu a goonliba aki e! Ma nöö Tata, Masa Gadu o manda di Akaa fëën ko, nöö hën o dë ku unu fu nöömö.

Wë un sabi ka mi nango. Söseei un sabi di pasi u go doo ala tu.

Mi da di pasi, di tuu ku di libi. Nöö na wan sëmbe sa dou a mi Tata, ee na mi tjaa i go nëën e.

Un sindo aki ufö e! Nöö mi o go ala go begi!

Ke, Taata o! Gaantangi mi begi i, di soni i lai da mi u mi bebe aki, ee i sa puu ën da mi, u ma bebëën nöö be i puu ën o!


Ma nöö fa mi fan aki seei, na du di soni di mi kë e, ma be a pasa kumafa i kë.



Duumi un duumi sō nō? Wē un hopo boo go e! Biga di sēmbē di sei mi, dou kaa!



Di sēmbē di mi o bosì, hēn u musu kisi e!



Odi, oo! Mēsītē!

Womi, Judasi, ku wan bosì i ta sei Mi di ko dē Libisēmbē Mii aki nō?



Masa! Andi seei i kē fuu musu du? U musu Feti?




Nōnō! Wan du na wan soni e!



Wē di de kisi Masa Jesosi kaa nōo hēn hii dee bakama fēēn tuu kule go disēēn wanwan fiaaa dē.

Aki de ta tja Masa Jesosi go a di wosu u di Kaba Hei Begima. Hën da di möön gaan bigima u di Gaan keiki wosu. Ma nöö Petuisi ku Johanisi bi dë te a ala ta waka sapisapi ta ko a de baka.



Petuisi pasa go tee a go dou a di djai dendu.



Wë womi! Na i bi dë ku di womi de ko aki nö?



Ambë? Mi?
Nönö! Ma sabi di womi dë.

Di womi i si aki, a bi dë wan u dee bakama fëën!



Ma sabi di sëmbë un ta taki dë e!

Womi, an dë fii fia taa ja dë sëmbë u di womi dë e. Biga u ta jei a di tōngō tatai fii taa i da wan Galilea sëmbë!




Mi taki da unu e, taa di womi dë ma sabi ën seei wan daka, kwetikweti!



KÖKÖJÖN
KÖJÖÖN!



Wē a di ten dē....



Wē di i taa i da di Paamusi Kōnu,
i ku Gadu ta fan, nōō konda da u
ee ambē naki i di naki?



A di mamaten, hēn de tja Masa Jesosi
go a di kuutu wosu u dee Hedima u dee Dju.


Ju da di Mii u
Gadu nō?

Wē leti kumafa fa
i si i taki dē, nōō
sō a dē e!



Wan jei nō? A kosi Masa Gadu tuu! Nōō
aan soni mōōnsō dēdē nōō a musu dēdē
e! Wē woo mandēēn go da dee Loomē
sēmbē u de dēēn sitaafu.!

De tja Masa Jesosi go a di Gaama de kai Pilati. Hën dee Loomë lanti bi buta faa tii dee Dju sëmbë. Nöo dee begima ku dee takima ku dee Dju sëmbë ta bai ta mindi sömëni pei soni da Masa Jesosi.



Wë di soni fii de ta taki aki, andi fëen joo taki? Soni de ta mindi da i, naa sö i taki tuu?




Un hogí seei, i du?

Mi ko a goonliba, u lei sëmbë an da tuu!




Tuu?
Andi seei de ta kai tuu?




Wë ma feni föutu a di sëmbë un tja ko aki faa musu dëdë e! Ma a hiniwan Pasika piizii, di guwenti dë taa u ta puu wan sëmbë a dinguwosu. Nöo ambë un kë u mi puu di pasi aki? Balabasi nasö di Könu fuunu aki!





Balabasi!

Balabasi!




Nöö andi mi musu du ku Jesosi?

Pekëen a lakpa pau kii!

Biga a ta kai hën seei Kõnu!

Ee i puu ën nöö i ku di kõnu u di Loomë o kisi toobi e, wan o dë mati möön.



"Balabasi hën u kë e!
Hën i musu puu!"

Wë nöö hën de puu Balabasi e. Di womi aki ku wanlô oto womi bi feti ku dee Loomë sëmbë te de kiii sômëni u de, nöö fëen mbei de sôötö ën.






.....37, 38, 39 wipi buka!






"Mi kaba e. Mi wasi maun puu mi seei a dendu u di buuu u di bumbuu sëmbë aki an fika a mi hedi. A fika da unu e."




Odi oo, odi!
Kõnu u dee Dju!






A di lakpa pau hedi u Masa Jesosi, Pilati mbei de sikifi wan paanga buta taa: Disi da Jesosi, di kõnu u dee Dju.



De da Masa Jesosi wan soni faa bebe u puu sinkii hati. Ma an kê bebe di soni.



Wê dee sodati tuwê lotu luku ee ambê o wini dee koosu u Masa Jesosi.



Aai, baa! A bi ta heepi oto sêmbê! Wê nõo an sa heepi ên seei nõ?

Wê ee i da mii u Masa Gadu tuu, nõo saka kumutu a di lakpa pau boo si, nõ?



Wê puu i seei a di lakpa pau, nõo i puu u tu, nõ?

Womi! Ja fêêê Masa Gadu, nõ? Mi ku i ta kisi sitaafu, fu dee hogi dee u du. Ma di womi aki an du hogi wan daka u de sitaafu ên. Nõo kaba ku di soni i ta taki dë!



Gaantangi! Te i tei di kõnu tii fii nõo mēni mi e.

Tuutuu, mi taki da i e, taa tide seei mi ku i o dē a Paladēisi!






Fanafu 12 juu, te go miti 3 juu sō, hii di kōndē dungu “pii, kankan”.



Di mama u Masa Jesosi ku Johansi di bakama fēēn bi taampu zuntu ku di lakpa pau.

Mama! Luku di womi mii fii dē e! Womi! Luku i mama dē e!




Gadu! Gadu! Andi mbei i disa mi wanwan sō u du?



Dēēwata..... kisi mi!



Taata! Mi buta di a Akaa u mi a i maun e!



A.....kaba!

A di 3 juu sonuhati, di Masa Jesosi dēdē kaa. Nōō hēn wan sodati go suti ēn ku lanza nēēn bandja papai. Hēn buuu ku wata ta kule "jōōō" sō ta kumutu nēēn sinkii. Nōō naandē i si taa Masa Jesosi dēdē tuu.



A sikifi a Masa Gadu Buku kaa taa: 'De o tjeēn go kii kumafa de ta tja wan piki sikapu go kii.....'



'De dēēn makei, suti ēn hii ēn sinkii "bolo bolo", u dee hogi libi fuu hedi.....' Wē a dēdē kaa.




Wē nōō hēn bi da di Heepima di Masa Gadu bi paamusi taa a o manda ko naa otowan?



Wē un boo go hakisi gaanlanti ee u sa puu ēn tja go bei.




Gaanlanti da Josēfu fu Alimatea ku Nikodemusu pasi u de sa puu di dēdē sinkii u Masa Jesosi naandē. Hēn de lobi sumēē suti soni nēēn, lolo ēn ku gaan koosu, hēn de tjeēn go buta a wan sitonu baaku u de.



Wē nōō di, di Gaan (Pasika)
daka dē pasa kaa hēn wantu
mujēē go a di geebi ka de bei
Masa Jesosi.




Andi!
De lola di sitonu
puu a di baaku
buka!



Dee mujēē oo! Ambē manda
unu fuun ko suku libilibi sēmbē
a dee dee dēdē sēmbē dendu?



Wē nōō di Petuisi ku Johansi jei di soni
aki hēn de hopo kule go a di baaku ka
de bi bei ēn.




Andi pasa?




Andi! Di baaku dē seei jabi jabi
hooo, na wan soni dē aki mōōn!





A di wan seei daka dē, nēn tu bakama u Masa Jesosi dē ku tjali a hati ta waka nango a wan kamian. Nōō hēn wan sēmbē waka ko miti ku de. Hēn de ta kēē pena makandi u di dēdē u Masa Jesosi.....

Wan ta biibi dee soni dee tjabukama u Gadu bi taki nō? Un bi musu sabi taa di Paamusi Kōnu bi musu fu pena bifō a sa go sindo a di kōnubangi fēēn, na sō nō? Biga dee soni aki tuu bi dē sikifisikifi a Gadu buku.



Wē nōō di, de ku di sēmbē go sindo u njan, te u de mēni a go disa de naandē fiaa.....

Wē di sēmbē di bi ta fan ku i dē Masa Jesosi seei wē e.....!



Nōō hēn de hopo wanten, waka go a dee oto bakama ka de dē.....

U si Masa Jesosi ku u seei wojo!

Wē Malia ku Petuisi seei si ēn tu!



Te u de mēni.....

Hēn Jesosi, taa Masa Gadu musu dē ku unu e!



Andi mbei wan ta biibi taa mi disi? Un luku mi maun ku mi futu? Mi wē disi!



Ee, Masa! I da mi Masa ku mi Gadu e!



Di Masa Jesosi weki baka a dēdē nōō a tei hii fōtenti daka langa ta tjeēn seei go lei dee bakama fēēn sōmēni pasi. Nōō baka u di dē hēn a tjeēn seei go lei 500 sēmbē a wan kodo kamian makandi. Wan daka, hen wantu bakama fēēn dē ta tuwē nēti....

Wē andi seei un kisi u mi sa njan ku unu?

Wē, nōō e! Wa kisi na wan soni!


Un hiti di nēti fuunu go a di oto sē u di boto nōō woon kisi!

Eee!
Fisi tō nōō u kisi, hia sō!


Masa Jesosi hēn dē ala!

Masa!

U ko bee mi ku unu njan makandi!



Wē Petuisi! I lobi mi tuutuu?




Wē disi hēn mbei dii pasi kaa, di Masa Jesosi ta hakisi Petuisi di wan seei hakisi dē.....



Aai, Masa!
I seei sabi taa, mi lobi i!

Wē nōō i musu sōlugu dee sikapu u mi da mi e!



Un ko go ku mi!

Mi kisi hii makiti a liba ala ku goon aki tuu. Nōō un musu ta waka a dee kōndēkōndē u goonliba ta paaja di buka u Mi da hii sēmbē, be de bia ko dē bakama u mi kuma unu. Nōō un musu dopu de a di nē u mi Tata ku di nē u di Mii fēēn aki ku di nē u di Akaa u mi Tata tu. Nōō un musu ta lei de u de piki hii dee soni tuu dee mi manda unu fuun musu du kaa.



Pakisei di soni aki bunu:
Mi dē ku unu hiniwanten, u te a kaba u goonliba!

Baka di a kaba u fan ku dee bakama fēēn sō, hēn a hopo go a Masa Gadu a liba ala. Masa Gadu tei ēn puu aki, tja go nēēn ala. Ma bifō a hopo go, hēn a takī da dee bakama fēēn taa wan daka a o toona ko baka a goonliba u ko kuutu libisēmbē.

Dee bakama u Masa Jesosi fika a Jelusalën naandë, ta begi. Nöo hën wan apaiti Akaa ko a de liba. Disi dë di Akaa u Masa Gadu, di bi dë a Masa Jesosi hën seei ko a de a dee bakama fëen. Nöo a mbei de ko toon wan sootu pei njunjun sëmbë, ta kotöigí taanga seei ku kaakiti.

Wë dëdë köndë aan di kaakiti u tapëen buta dë u nöömö. Biga Masa Gadu weki ën, tja ko a libi baka. Nöo hën a tei ën tja go nëen a liba ala, nöo hën da di fosu sëmbë di feni di lö hei dë a Masa Gadu.



Dee bakama u Masa Jesosi ta waka ta konda di bunu njunsu winsi fa sômëni pei soni ta miti de seei.

Masa Jesosi da di Womi mii u Masa Gadu, e!




Nöo söseei de ta sikifi di Bunu Njunsu aki buta a biifi ta manda go da oto sëmbë tu.

Sen an ta kisi mi fa mi ta tja di Bunu Njunsu aki. Biga di Kaakiti u Masa Gadu hën puu sëmbë a dee hogí du u de basu seeka de buta kumafa a kë.




Wë di bosikopu u Masa Jesosi aki paaja go a hii di goonliba kaa. Nöo hën mbei fa u dë aki a hii së dee sëmbë dee ta waka a Masa Jesosi baka ta ko makandi. De ta lesi de Gadu Buku ta begi maknadi. De ta njan di bëëë ta bebe di win ta mëni di dëdë u Masa Jesosi. Gadu kë taa di lobi di dë a de hati dendu musu dë u si a de libi.

Masa Jesosi libi a di fasi,
taa di pakisei u Masa Gadu
di abi ku libisëmbë, ko
limbo da hiniwan sëmbë.



Boo tei ën u bigí u di lobi di
Masa Jesosi lobi u, nõö u
saka u seei, nõö u begi ën!



Biga Masa Gadu lobi libi
sëmbë sô tee, a da de di
wan kodo womi mii fëën
di abi. Nõö ee wan sëmbë
i ta biibi a di Mii fëën aki
liba nõö ja o lasi go kaba a
sôsö möönsö, ma i abi di
libi u teego kaa.

WILLEM DE VINK

MÖÖN HIA SONI U MASA JESOSI.

I abi fõ sēmbē dee dē kotoigima u di fa Masa Jesosi bi libi a goonliba aki, hiniwan u de sikifi wan buku u di libi fēēn. Nōō a dee fõ buku aki tuu de taki soni u di Bunu Njunsu fēēn. (a Gadu Buku).

MATEOSI wan u dee tuwalufu bakama u Masa Jesosi, di bi ta pii lantimōni a Kapenaumi. Nōō a bi foondo sōmēni sēmbē taa Masa Jesosi ta mōkisi ku dee lō taku libi sēmbē dē. Nōō sōmēni u dee oto dee a sikifi u Masa Jesosi, a si ku ēn seei wojo.

MAIKUSI seei sikifi wan u dee buku di taki soni u di Bunu Njunsu u Masa Jesosi. Di womi aki bi njōnku a di ten di Masa Jesosi bi ta waka lontu Isaēli kōndē. Ma bakaten, hēn a waka ku Petuisi a sōmēni kamian. Nōō di Petuisi sikifi wan u dee biifi fēēn, hēn a taa Maikusi “Mi womi mii”. Ma bakaten hēn Paulosu ku Maikusi waka lontu wooko tu.” Di Paulosu aki hēn da di sēmbē di bi ta tja di wōutu u Masa Gadu a di pisi u goonliba de ta kai Eloupa.”

LUKASI, hēn seei sikifi wan dee fõ buku di ta taki soni u di Bunu Njunsu u Masa Jesosi tu, winsi fa hēn seei an bi waka lontu ku Masa Jesosi. Ma a waka wooko a sōmēni kamian ku Paulosu. Sōseei a tei ēn ten, go fan ku sōmēni sēmbē di bi si fa Masa Jesosi libi a goonliba aki. Nōō a di fasi aki a feni sōmēni oto u Masa Jesosi sikifi. Boiti di buku ka a sikifi u di Bunu Njunsu u Masa Jesosi. Nōō a sikifi wan oto buku mōōn, u di Masa Jesosi go a liba, fa soni bi waka ku dee biibima dee a dīsa a baka aki. Di buku aki hēn de ta kai “Tjabukama”.

JOHANISI, u dee bakama u Masa Jesosi nōō Johanisi wanwan nōō fika wooko ku ēn te de pekēēn a lakpa pau kii. Nōō a di buku di a sikifi seei a taki taa, mōōn hia soni dē eti di Masa Jesosi du, ma ma sa sikifi de tuu buta a buku. A taki tu taa a sikifi dee soni aki u libi sēmbē musu ko biibi taa Masa Jesosi da di Kōnu di Masa Gadu bi paamusi taa a o manda ko a goonliba. Nōō ee wan sēmbē i ta biibi nēēn liba nōō i sa feni di libi u teego.

Wē nōō u hii dee bakama u Masa, nōō a djei kuma Johanisi libi mōōn longi mōōn dee otowan tuu. Nōō a di gaandi ten fēēn seei i toona ko ta si di libi u Masa Jesosi nēēn baka. Nōō a si Masa Jesosi ku di waiti di a abi nōunōu kuma womi mii u Masa Gadu a liba ala. Nōō a sikifi di soni aki a di pisi u Gadu Buku de ta kai “AKOALIMBO.” A di buku aki i ta si fa soni dē u tee dou kaba u goonliba.

WĒ U KUMA SĒMBĒ U DI TEN AKI , nōō di oto u Masa Jesosi aki nango ku langa eti e! Aan kaba mōōnsō! Hii dee hōndōhōndō jaa dee pasa te ko dou fa u dē aki, nōō a ta waka a di libi u dee sembe dee tei di biibi. Nōō a sa dou a di libi fii seei tu. Biga Masa Jesosi kē lei i di lobi di a abi da i, sōseei a mbei i feni pasi ko sabi hēn Tata, Masa Gadu tu. Nōō a di wan seei fasi fa a bi wooko ku dee fosu bakama fēēn nōō sōseei a ta wooko ku libi sēmbē a di wan seei fasi go dou eti, a o manda di apaiti Akaa fēēn ko tei kamian a i libi, nōō joo si wan tooka nōō a mbei i feni wan pei njunjun libi. Di taku libi fii sa bia ko toon bambuu libi ka wan tooka o feni kamian a i dendu sē. Ka libi fii bi nango u kaba a sōsō, nōō a sa tja tooka ko a i libi, fii feni di libi u teego. Gaantangī u Masa Jesosi taa di pakisei di Masa Gadu bi abi ku di libi fii, sa feni kamian.





Disi da di tuutuu woto u Masa Jesosi, di bi pasa 2000 jaa kaa, di a bi ta libi a goonliba aki. Hiniwan sɛmbɛ di ku ɛn bi miti kaa, a bi ta de wan foondo soni da de. Noo sɛmbɛ an dɛ di sa du dee soni a ta du ku dee soni dee a ta taki. Hiniwan kamian ka a go kaa a ta du foondofoondo soni. Wɛ nɔɔ hiniwan sɛmbɛ di tei dee soni a taki dɛ tuu, ta wai ta mbei gaan piizii. Ma tɔku ku hii dee soni dee a du naandɛ tuu ma wan daka dou hɛn hii dee soni de tuu ko kaba. Dee felantima fɛɛn kisi peka a lakpa pau kii. Ma i mɛni taa di dɛ da kaba u di woto u Masa Jesosi nɔ? Kwetikweti! Tei ten nɔɔ i lesi di buku aki, nɔɔ joo si di baka pisi u di woto u Masa Jesosi, di Heepima di Masa Gadu manda ko a goonliba u ko heepi libi sɛmbɛ.

Language: Saramaccaans
ISBN 978-90-73150-19-5